

Astrale liggaam en Roemryke-liggaam

Astrale liggaam en 'n Roemryke – liggaam.

Om te kan gesels rondom die vraagstuk moet ons kyk na die twee benamings nl.: Astrale en Roemryke-liggaam.

As ons kyk na 'astraal' wat beteken: Soos die sterre; ster agtige; verbeeldings liggaam; spieëlbeeld van die menslike liggaam of 'n liggaam sonder skaduwee (*Wil ek sê*). Dit moet meer verstaan word dat dit 'n gefantaseerde liggaam is. Dit is iets wat niemand kan sien nie, selfs die een wat so iets beleef / beoefen sien sy aardse liggaam, maar nie die astrale liggaam nie. Dit is meer in die sin dat dit 'n fantasie is as wat dit werklik is. M.a.w. die astrale liggaam kan nie eet, drink, gesien of aangeraak word nie en daarbenewens is dit 'n fantasie (*Die okkulte manne speel en werk met die astraal liggaam scenario omdat hulle weet dat dit 'n werklikheid is 'tog baie gevaarlik'*).

'n 'Roemryke-liggaam' (Soos YAHUSHA sin) is die teenoorgestelde van astrale. Dit kan aan gevat word (*Soos die liggaam van 'n persoon*) en kan eet en drink. Hy kan kommunikeer met die mens op aarde en 'n gesprek met hom voer. Die 'roem' liggaam is nie dieselfde as die mens se liggaam nie, maar bestaan wel op aarde wat ek aan die onderkant sal verduidelik.

Die twee liggaam entiteite is beide werklik, maar het 'n baie groot verskil in bestaan, werke en dade. Baie wil die astrale liggaam koppel aan drome wat nie reg is nie. Volgens die wat astrologie bedryf moet dit gereeld oefen om uit sy liggaam te kan gaan. Die siel is verbind aan die bloed van die aardse liggaam en moet nou die 'Wet' van YAH breek deur te oortree om los te kom van die verbinding. Dit is nie 'n maklike lering (*self*) nie, want dood kan maklik intree (*hetsy gees of vleeslik*).

Ek glo baie het al gehoor of gelees van gevalle waar sekere persone 'n astrale ondervinding gehad het tydings 'n operasie of pad-ongeluk waar hulle na hul liggaam gekyk het waar die dokter besig was met jou liggaam op die operasietafel. Wat dit vir ons sê is dat dood in beide gevalle betrokke is. Die verskil tussen die twee is as jy die astraal liggaam beoefen (*die siel uit die liggaam*) het jy geen beskerming van die boodskappers van YAH nie, want jy oortree die Wet, maar die teenoorgestelde gebeur as jy in 'n ongeluk of wat was het jy die beskerming van die boodskappers van YAH by jou.

Die wat astrologie beoefen doen dinge wat baie gevaarlik is (*weet of onwetend*). Sodra die beoefenaar dit regkry om sy siel los kan kry van die bloed en uit die liggaam gaan staan die siel 'n baie groot kans om nooit weer terug te keer na sy liggaam nie. Buite ons liggame is ontelbare demone wat liggame soek. Sodra 'n demoon sien dat jy besig is om uit jou liggaam te wil kom gaan hy en help jou om dit wel te kan doen. Jy sal dit moontlik 'n paar maal regkry tot en met.

Ek het 'n man ontmoet wat baie ondersoeke gedoen het in die okkulte wêreld waarvan hy my van 'n geval vertel het wat met hom gebeur het. Daar het eendag 'n vreemde man by hom kuier vir 'n dag of wat (*Sekerlik om meer te leer oor okkultisme*). Die man het vir hom normaal voor gekom en was baie vriendelik. Hulle het met die intrap slag oor dit gepraat wat saak maak, maar toe dit by etenstyd kom het die atmosfeer ietwat geswaai en so ook die belangstelling. Die man het opgestaan en gevra of hy kan help met die voorbereiding van die kos. Met toestemming het hy in die kombuis saam met die vrou begin werk en werskaf aan 'n ete. Die vrou vind dit in die begin aangenaam dat sy iemand het om haar uit te help in die kombuis, maar na 'n ruk se hulp kom sy agter dat die man baie meer weet as wat 'n normale man sal weet wat om te doen in 'n kombuis. Tydens die voorbereiding aan 'n ete gesels die man baie en maklik met die vrou oor vroulike dinge. Sy vind dit toe interessant wat hy weet oor vroue, want sekere dinge wat hy oor gesels was vroue geselskap en nie 'n man sin nie. Na ete het die gasheer en die besoeker gaan sit en gesels oor "besete liggame". Nie lank in hulle gesels het die besoeker begin oopmaak wat sy situasie in besetenheid is.

Die besoeker was in 'n groep wat baie bedrywig was in die okkulte waar hulle astrale liggaam beoefen het. Hulle het bv. in 'n kamer gegaan en gemediteer en uit hul liggame gegaan. Hulle het dan gemanifesteer op enige plek oor die aarde (*Gewoonlik vooruit gereelde afspraak*). Hulle het mekaar se liggame geleen en hulle ding gedoen en weer teruggekeer in hulle eie liggame. Deels van hulle ooreenkomste met mekaar moet daar 'n vrou sterf as offer aan Ha satan as dank. Die kuiergas was bekend van die verhuisings van die siel en liggame en het vir 'n geleentheid gesoek om te kan ontsnap uit die liggame wat sy inwoon, want sy wou nie meer instaan as 'n offer vir Ha satan nie. Op 'n dag het 'n priester in 'n kamer gegaan om 'n siele reis te ondergaan na 'n ander-land. Sy het toe ook uit haar liggame gegaan en sy liggame in besit geneem voordat die ander sy liggame kon gebruik. Van daardie oomblik het sy toe begin om voortleef as 'n man.

Hoeveel waarheid in dit alles is weet ek nie, maar dit het oor die wêreld al bekend geword dat sulke gevalle wel bestaan. Ons weet die Skrif sê dat die siel verbind is aan die bloed, maar tog is daar die wat hulle slim hou om die soort van goed te praktiseer. Ek praat van Joga, Kundalini, Tree of life, "Hindoeïsme" (*veral die vroue*).

Dit is mos nie demonies van aard of een of ander okkulte nie skree die vroue, maar min wetend is dit die "sagte ware" wat satanisme op werk (*die moderne manier*). Sodra die siel die liggame verlaat kom daar 'n demoon in sy plek. Die demoon vervul maklik die werke van die siel se plek en die mens daar buite sal dit nie eens agterkom nie (*Net baie naby vriende of familie sal weet*). Nou die siel wat weer terug wil gaan kan nie meer terug nie, want sy plek is gevul. Die siel kan nêrens heen as om by daardie aards liggame te bly wat hy besit het. Die siel bly verbindend aan daardie liggame (*Hetsy nou binne of buite die liggame*) tot en met die liggame se dood intree.

Soos ons weet is daar twee paaie vir die siel en dit is ewige lewe of ewige hel. Terwyl die liggaam (*van bo*) leef, en waar die besete-liggaam ook al gaan sal die siel dwalend (*party noem hulle dwalende-geeste*) rondom daardie liggaam bly (*Onthou ek praat nie van 'n besetene waarvan die siel toegelaat het dat die demoon mag intrek nie, maar waar die siel buite die liggaam is*). Wanneer daardie besete-liggaam tot sterwe kom word die liggaam begrawe wat tot stof sal gaan (*as niemand die demoon uitgejaag het nie*). Die demoon wat in hom gewoon het kan en mag nie soos die siel na die doderyk gaan nie. Wat nou wel gebeur is dat die siel na die doderyk gaan wat verbonde aan daardie liggaam was. Die siel soos ons weet sal verantwoording moet doen vir wat hy gedoen het.

Die roemryke-liggaam is 'n liggaam sonder bloed, maar tog gevulde are. Dit is 'n liggaam met behoeftes, tog kan dit nie ophou bestaan nie. Die liggaam is in besit van die siel wat getransformeer het van die aardse (*stoflike*) tot die roemryk een. Soos die astrale liggaam die siel verteenwoordig so verteenwoordig die roem-liggaam ook die siel. Dit is soos vroeër met die ou liggaam toe die siel met die bloed verbind was. Nou is die siel met die nuwe liggaam verbind. Dit is soos potklei, eers was dit roomkleurig tot daar 'n kleur by die potklei gevoeg word. Die kleur het verander na rooi en verewig het die kleur van die klei verander. Ore

Die vraag is: Wat het die twee liggame met mekaar te doen? Niks nie. Hulle is 180° uitmekaar uit. Die wetsoortreders kan tans nou die 'astraal liggaam ding' doen en in die hel beland; 'n Wetsgehoorsames moet wag vir 'n "roemryke-liggaam wat gevul gaan wees met "Ruag" (*kragvolle asem/gees*). Voor ek oorgaan na die skrif: 'n Astrale liggaam is nie in besit van gees (*asem*) nie maar wel met 'n siel. Die teenoorgestelde is die liggaam wat agterbly.

Kom ons kyk wat sê die Skrif oor die bespreking:

In Gen 15:12 lees ons van Abram wat 'n diepe slaap ontvang het. Met die lees van die boek van Opregte sal ons in diepte sien wat werklik daar gebeur het. Abram word gepla deur Ha satan met sy kraaie. Ha satan wou nie die plegtigheid laat gebeur waar Abram die beloftes sou ontvang nie (*soos met Adam*). YAH het met Abram in sy slaap gepraat waar Ha satan hulle nie sou steur nie (*M.a.w. YAH het die mag om die siel te neem en dit te rig en onderrig terwyl die liggaam slaap*). In Gen.28:11 lees ons dat YAH met Jakob werk in sy slaap en hom ook toon wat vir hom voorlê. Job verduidelik dit ook baie mooi in 4:13 *by die gedagtespel, uit naggestigte gebore, wanneer diepe slaap op die mense val. Job 33:15 In die droom, in 'n naggestig, as diepe slaap op die mense val, tydens sluimeringe op die bed, 33:16 dan open Hy die oor van die mense, en Hy druk die seël op die waarskuwing aan hulle*; In Matt. 1:24 staan: *En toe Josef uit die slaap wakker word, het hy gedoen soos die engel boodskapper van die VADER hom beveel het en sy vrou by hom geneem*;

Net tot bevestiging oor die siel en die gees:

In Job.26:4 staan: *Aan wie het jy woorde te kenne gegee, en wie se gees het uit jou uitgegaan?* En so ook in Pre. 12:7 *en die stof na die aarde terugkeer soos dit gewees het, en die gees na VADER terugkeer wat dit gegee het.* Matt. 27:50 *Daarop het YAHUSHA weer met 'n groot stem geroep en die gees gegee.* Die gees gaan terug na die Gewer sodra dood intree, maar die siel gaan na die wag tydperk waar Henog dit beskryf het dat daar vier groot sale onder in die aarde is waarheen die siele heengaan.

In kort oor 'bloed': YAH is baie streng oor die eet van bloed. Ons word 12 keer gewaarsku om dit nie te eet nie en 15 keer uitgewys dat die volk 'n Wet van YAH oortree het om bloed te drink en te eet. Hoekom? Omrede die siel aan die bloed verbind is. Kom ons lees in Gen 1:30. *Maar aan al die diere van die aarde en al die voëls van die hemel en al die kruipende diere op die aarde, waarin 'n lewende siel is.....* Water diere, kruipende diere en voëls word hier van gepraat? Alles wat rein en eg is voor YAH. Hoekom? Omrede daardie lewende siel in die plek van die Adamiet sin mag sterf. *Gen 22:13 En toe Abraham sy oë opslaan, sien hy meteens 'n ram wat agter in die bos met sy horings vasgeraak het. En Abraham het gegaan en die ram geneem en dit as brandoffer in die plek van sy seun geoffer.* Ex 13:13 *....Maar al die eersgeborenes van mense onder jou seuns moet jy loskoop* (met 'n lam). As jy 'n dier slag en jy vang sy bloed op in 'n houer stol die bloed in daardie houer en word 'n dik jel wat dan geëet kan word; Of sodra die bloed in die houer opgevang word kan jy enige tak vat met blare aan en die bloed roer dan bly dit 'n vloeistof wat gedrink kan word. Wat die okkultiste doen is om nie al die bloed van 'n slagding uit te laat loop nie en die offer so gou moontlik op die vuur te kry (*Dus is daar nog baie bloed in die dier wat gaan stol wat saam met die vleis geëet gaan word*). Kyk ook gerus na slagpale waar hulle al die diere se bloed opvang om bloed-meel van te maak sodat ander diere daardie bloed kan vreet (*Want dit is kamma so goed vir hulle*). Min wetend bly bloed lewendig vir 'n paar ure nadat 'n dier geslag was en dit is daardie siel in die bloed wat YAH wil hê as loskoping.

Net 'n kort uitwysing oor 'dood' van die Adamiete: As dood intree stop lewe en gaan oor na die volgende realm. Baie dink dat as iemand oortree het soos 'moord gepleeg' bv. en die regter besluit dat hy gedood (*hang, gif of elektrifiseer*) moet word is dit die ergste straf wat gegee kan word op aarde. Nee dit is nie. Dink net by jouself; Hier stap die man na die galg en die tou word om sy nek gehang. Die vloer gee pad onder hom en dood tree in. Nou waar is die straf werklik? 'n Paar dae gelede het hy die daad gepleeg en is gevang en veroordeel tot die dood. Die straf is eerder 'n waarskuwing vir ander om dit nie te doen wat die man gedoen het. Wat die veroordeelde man in aanhouding moet besef is dat hy nou tot inkering en bekering moet kom. Hy moet smEEK om vergifnis sodat hy nie in die volgende aanhouding beland waar die dode wag tot oordeel nie.

Ek sluit met die traktaat deur die uitwysing van die verskillende fasette van die astrale liggaam en die roemryke (“*verheerlikte*”) liggaam.

Die astrale liggaam word eeue al beoefen deur die Hindoe geloof waarvan hulle besluit het in die middel van die 19 de eeu om dit aan die wêreld bekend te stel. Soos ons weet dat daar op elke hoek en straat Yoga klasse aan gebied word, word daar net gemediteer en uit die liggaam oefeninge gedoen. Dit is 100% verkeerd en teen YAH se Wette (*Vroue is die voorbokke*). ‘n Astrale-liggaam of ‘n verbeeldings-liggaam is weg van die verbinding en beskermings –bloed wat YAH daar gestel het. Wat opgelet kan word is die silwerdraad in Pred.12:6. Daar is nie silwerdraad-koppeling tussen ‘n astrale liggaam en lewe nie, maar tussen die lewende liggaam en die “Gees van VADER” in daardie liggaam. As die draad verwyder word sterf die liggaam, dus as die liggaam nie meer ‘gees’ of asem haal nie is sy draad “geknip” en niks met die astrale liggaam te doen nie. Die wat prentjies teken waar die astrale liggaam swewe en waar dit aan ‘n silwerdraad gekoppel is, is snert. As dit wel die geval gewees het sou die menslike liggaam nooit beset kon geword het van demone nie. Nee die beoefening van die okkulte maak ‘n opening tot besetting. Die simbool van die silwerdraad is “LEWE” en dit behoort aan VADER en nie vir jou om mee te speel nie!

Die roemryke-liggaam word wel reeds deur YAH gebruik op aarde soos in Hand.8:39 waar YAH Filippus skielik weggeneem het na ‘n anderplek. Ek ken ‘n man wat my vertel het dat hy laat was vir ‘n belangrike vergadering en toe hy weer sien was hy daar en betyds(*deur gebed*). Hy het genoem dat dit ‘n snaakse en ‘n wondere gevoel in hom verwek het tydens die spoedige verplasing.

Toe YAHUSHA na die foltering op gestaan het, het hy nog steeds die wonde aan Hom gehad tog geen bloed in Hom nie (Joh.20:20,27); Hoekom? Omrede dit ‘n “Roem” liggaam was. Die wonde sal wel genees, want dit behoort aan VADER (*Luk.16:22-30*). Dood kan nie meer intree nie, want dit is volmaak. Die Liggaam van YAHUSHA is die liggaam wat ons gaan ontvang wat van plek tot plek kan manifesteer (*Luk.24:31*).

Om in kort terug te keer wil ek graag ‘n gedagte deurgee wat baie belangrik is om te verstaan. As ons die boonste geskrewe verstaan sal julle die volgende ook moet verstaan. Die siel is in beheer van die liggaam tot opbouing of tot afbreking. Die siel wil bly lewe tog breek hy die liggaam af. In Ps.42:12 staan: *Wat buig jy jou neer, o my siel, en wat is jy onrustig in my? Hoop op dié Skepper, want ek sal Hom nog loof—die lossing van my aangesig en my Skepper! (Ps.43:5; 42:5)*. Hoekom word daar gespreek met die siel en wat beteken dit? Terwyl die siel in die liggaam is en alles gaan wel rondom die liggaam (*dit eet, drink, slaap en loop rond*) steur die siel hom nie veel aan lewe nie, maar as die liggaam gedreig word dat dood kan intree word die siel bang.

Nou kan ons vra: Kommunikeer die siel dan met die liggaam ? Ja dit doen. Die liggaam sien die siel as sy doel en opdrag om lewe te behou in die liggaam, en die bron / doel van lewe in die liggaam is om die siel te laat lewe. Bv.: Deurdadige beoefening uit die liggaam is, is die liggaam nog steeds lewendig, want die gees (lewe) is nog daarin met al die sintuie en organe, maar die ‘doel’ is afwesig. Dit is soos ‘n voertuig wat staan en lui sonder ‘n bestuurder. Die voertuig kan nie beweeg nie en tog is dit gereed om te ry. As die liggaam deur iemand of iets soos ‘n leu gedreig word klop die hart onsettend vinnig, want lewe staan ‘n baie goeie kans om te stop. Eers daar gelaat.

Bo het ek uitgewys dat die lewe / gees nie die siel is nie, maar die twee moet mekaar vind anders sal berusting, lankmoedigheid, verdraagsaamheid, goedertierenheid en ‘liefde’ nooit intree nie. Die wat verstaan en reeds berusting gevind het sal nie bevrees word as die dood die liggaam opeis nie. In *1 Joh. 4:18 Daar is geen vrees in die liefde nie; maar die volmaakte liefde dryf die vrees buite, want die vrees sluit straf in, en hy wat vrees, het nie volmaak geword in die liefde nie.* Die siel en die gees het mekaar gevind en het oorgegaan tot berusting in ‘VADER’. *1Joh. 4:12.... As ons mekaar liefhet, bly VADER in ons en het SY liefde in ons volmaak geword.* Die teenoorgestelde is: *1Joh. 2:15.... As iemand die wêreld liefhet, dan is die liefde van die VADER nie in hom nie.*

Nou hoe gedaan? Die gees binne in die mens is latent en bly so tot en met die siel se ontwaking. Die siel is so werksaam aan vleeslike behoeftes dat hy nooit by die gees / ontwaking uitkom nie. Luister nou mooi wat die Skrif sê in Open. 3:20 *Kyk, Ek staan by die deur en Ek klop. As iemand My stem hoor en die deur oopmaak, sal Ek ingaan na hom toe en saam met hom maaltyd hou, en hy met My.* Die ‘Gees’ bly roerloos by die deur van die hart staan terwyl die siel voortdurend verby snel en skaars ag gee dat hy die ‘Gees’ raaksien. Die siel wat wel ag gee sal die klop hoor en die deur oopmaak en YAHUSHA in laat. Met toelating dat die ‘Gees’ ook in die bloedstroom vloei saam met die siel, word die liggaam voorberei vir die “Bruidegom”. As die ‘Gees’ van VADER in die are van die liggaam vloei gee die liggaam ‘n blou glans af. Hoe meer die siel oorgee aan die Gees hoe helderder die blou glans. Dit kan so skitterend wees dat blou nie meer opsigtelik is nie. Ons menslike oog kan dit nie sien nie, maar wel die wat in die okkultiese wêreld is ‘Dan.12:3’ Lees wat die demone sê: *Mark. 1:24 .. Hou op! Wat het ons met U te doen, YAHUSHA, Nasaréner? Het U gekom om ons te verdelg? Ek ken U, wie U is: die Reine van VADER! Matt. 8:29 En meteens skreeu hulle en sê: Wat het ons met U te doen, YAHUSHA, Seun van VADER? Het U hier gekom om ons voor die tyd te pynig? Luk 8:28 En toe hy YAHUSHA sien, skreeu hy uit en val voor Hom neer en sê met ‘n groot stem: Wat het ons met U te doen, YAHUSHA, Seun van die allerhoogste VADER? Ek bid U, moet my nie pynig nie—(ons moet tog ook kan skreeu: YAHUSHA, Seun van die allerhoogste VADER hier is ek neem my nou en maak my vry!).*

Die okkulte wêreld weet dat hulle moet mediteer om die siel (astrale) tot berusting te bring om met die liggaam te werk. Ons (*die uitverkore 12 stamme van YAH*) wat veronderstel is om beter te weet moet die hart se deur oopmaak sodat "Gees" met die bloed kan meng m.a.w. daar moet 'n geboorte plaasvind. In die ou liggaam was die siel alleen in die bloed, maar met die intrede van die 'Gees' gaan dit vernuwe word. In Joh 3:3. staan: *YAHUSHA antwoord en sê vir hom: Voorwaar, voorwaar Ek sê vir jou, as iemand nie weer gebore word nie, kan hy die koninkryk van VADER nie sien nie.* Dit is inderwaarheid baie harde woorde vir sommige, want min besef wat dit werklik beteken. Geboorte kom slegs van VADER! Daar is niks op aarde waarvan VADER nie weet nie. Van elke insek, dier of mens se ontstaan op aarde is VADER van bewus. Elke ding wat nie 'n geboorte reg het op aarde nie, weet VADER ook van.

Nou met inkering (*wetsoortreding-besef*) bekering (*omdraai en aanskou YAHUSHA*) en die wassing (*water-onderdompeling*) kom die wag om gebore van bo te ontvang. VADER gaan jou toets en beproef, HY gaan jou louter en voor berei vir die huwelik met SY Seun. Voor die huwelik sal die 144 duisend uitverkies word. *Open.7:4 En ek het die getal van die verseëlde gehoor: honderd vier en veertig duisend verseëlde uit al die stamme van die kinders van Israel* *Yashar'EL 14:1 En ek het gesien, en kyk, die Lam staan op die berg Sion, en saam met Hom honderd vier en veertig duisend met Sy Naam en die Naam van Sy VADER op hulle voorhoofde geskrywe. 14:3 En hulle het 'n nuwe lied gesing voor die troon en voor die vier lewende wesens en die ouderlinge; en niemand kon die lied leer nie, behalwe die honderd vier en veertig duisend wat van die aarde vrygekoop is (Open.7:3,4).*

Dit wat jy hier lees het, besef die waarskuwings en so ook die uitkoms in: *Eseg. 9:4 En die ~~HERE~~ YAH sê vir hom: Trek dwarsdeur die stad, dwarsdeur Jerusalem, en maak 'n teken op die voorhoofde van die manne wat sug en steun oor al die gruwels wat daarin gedoen word. :5 Maar aan die ander sê Hy voor my ore: Trek agter hom aan deur die stad, en slaan; laat julle oog nie verskoon nie, en moet nie spaar nie; :6 slaan dood gryns - aards, jongmanne en jongedogters en kinders en vroue tot vernietiging toe; maar raak aan niemand op wie die teken is nie, en begin by My ~~heilighdom~~ afgesonderde (Eseg.9:7-11)* Ek sluit om te vra dat jy Joh.3:3-8 moet lees en verstaan. Die geboorte van bo lê voor die deur en die tyd is min. Kom die wat vermoeid en belas is, kom die tyd is verstreke!

Ns:

(1) Die 144 duisend is nog nie gemerk nie, maar hulle gaan nou gemerk word deur die man met die inktpot. (2) Die geboorte van bo gaan eers in die 1000 jaar van vrede gebeur en nie voor die tyd nie. Baie dink dat hulle reeds die geboorte het en maak 'n groot fout, want 'n man met 'n geboorte van bo kan manifesteer van plek tot plek en kan dooies opwek ens.

"Bedink dit"